



Lescha per promover il svilup economic en il chantun Grischun (Lescha davart il svilup economic, LSE)

Il text da la revisiun parziala da la Lescha per promover il svilup economic en il chantun Grischun (Lescha davart il svilup economic, LSE) dals 17 da zercladur 2020 è vegnì publicità il 1. da fanadur 2020 en il Fegl uffizial chantunal (eFUC nr. 00.048.086). Questa revisiun sottasteva al referendum facultativ.

Il termin da referendum è scadi ils 29 da settember 2020. Entaifer quest termin n'èn vegnids inoltrads nagins referendums. Perquai ha la Regenza concludì ils 15 da december 2020 da metter en vigur la revisiun parziala da la Lescha per promover il svilup economic en il chantun Grischun (Lescha davart il svilup economic, LSE) dals 17 da zercladur 2020 per il 1. da schaner 2021.

En num da la Regenza

Il president: *Christian Rathgeb*

Il chancelier: *Daniel Spadin*

Referendum facultativ

Scadenza dal termin per il referendum: 29 da settember 2020

Lescha per promover il svilup economic en il chantun Grischun (Lescha davart il svilup economic, LSE)

Midada dals 17-06-2020

Relaschs tangads da questa fatschenta (numers dal DG)

Nov:	–
Midà:	932.100
Aboli:	–

Il Cussegl grond dal chantun Grischun,

sa basond sin l'art. 84 da la Constituziun chantunala,
sunter avair gì invista da la missiva da la Regenza dals 10 da favrer 2020,

concluda:

I.

Il relasch "Lescha per promover il svilup economic en il chantun Grischun (lescha davart il svilup economic, LSE)" DG [932.100](#) (versiun dals 01-01-2016) vegn midà sco suonda:

Titel suenter Art. 15 (midà)

3. Svilup regional e svilup da l'economia locala

Art. 17 al. 2 (nov), al. 3 (nov), al. 4 (nov), al. 5 (nov)

² Il chantun paja a mintga instituziun purtadra regiunala ina contribuziun annuala da basa d'almain 20 000 francs per il manaschi da basa dal svilup regiunal.

³ Il chantun po conceder contribuziuns fin a 50 pertschient dals custs da personal d'ina instituziun purtadra regiunala a favur dal svilup regiunal, sch'igl è avant maun ina strategia regiunala per il svilup da l'economia locala.

⁴ Il chantun po promover – cun contribuziuns da maximalmain 50 pertschient dals custs – l'elavuraziun da studis e da concepts per realisar projects ch'èn cuntegnids en la strategia regiunala per il svilup da l'economia locala.

⁵ Il chantun prenda enconuschientscha da las strategias regiunalas per il svilup da l'economia locala, che ston vegnir deliberadas da las instituziuns purtadras regiunalas.

Titel suenter Art. 33 (nov)

7. Disposiziun finala

Art. 34 (nov)

Disposiziun transitorica

¹ Fin la fin da l'onn 2023 po il chantun er conceder prestaziuns da promoziun en ils cas correspundents, sche la strategia regiunala per il svilup da l'economia locala n'è betg approvada.

II.

Naginas midadas en auters relaschs.

III.

Naginas aboliziuns d'auters relaschs.

IV.

Questa revisiun parziala è suttamessa al referendum facultativ.

La Regenza fixescha il termin da l'entrada en vigur.

En num dal Cussegl grond:

Il president: *Alessandro Della Vedova*

Il chancelier: *Daniel Spadin*

Data da publicaziun: 1. da fanadur 2020

Scadenza dal termin per il referendum: 29 da settember 2020